

Gvangjsih Minzcuz Bau

Cawiguenj: Gvangsijh Bouxcuengh Swcigih Minzcuz Cunghvau Swvu Veijvenzvei

Cawjbanh: Gvangsijh Minzcuz Bause

Geiz neix 8 bani

广西民族报

Aenhauhokbanj: CN45-0036

B.2022 Nd.6 Ng.8

Liggaeuq nvaemzvinz nienz ndwenngux cocib

Geizsoq: Gungh daih 3527 geiz

Siz Ginbingz Fak Saenq Cukhoh Hozdung Cawj-ciengz Guekgya Ngoenz Vanzging Roek Haj Bi 2022

习近平致信祝贺 2022 年六五环境日国家主场活动

Sinhvazse Sinjyangz 6 nyied 5 hauh dien Hozdung cawjciengz guekgya ngoenz vanzging roek haj bi 2022 5 hauh youq Liuzningz Swngj Sinjyangz Si banh. Cunghung Cunghyangh cungjsuhgi, guekgya cujsiz, Cunghyangh Ginhvej cujsiz Siz Ginbingz fak saenq cukhoh banh baenz hozdung.

Siz Ginbingz youq ndaw saenq naeuz, swnghdai vanzging dwg gij giek vunz senglix caeuq hwnghat, baujmaenh swnghdai vanzging ndei dwg gij simmuengh caezcaemh beksingq gak guek. Cibbet Daih Dangj doxdaeuj, raeuz aeu hwnqguh swnghdai vwnzmingz dangguh gij giva gaenbonj nangqdaengz Cunghvaz Minzcuz ciengxlwenx hwnghat, dingjmaenh gij leixniemh bya heu raemx saw couhwdg byagim bya'ngaenz, guh baenzroix hong miz goekgaen, miz haicauh, ndaej hwnghat, hwnqguh aen Cungguk gyaundeidei hamjok yamqdin youqgaenj, doidoengh swnghdai vanzging baujhoh guek raeuz doenghbaez caengz raen gvaq, ndaej cienjbienq, daengx buenz miz bienqvaq.

Siz Ginbingz giengzdiuh, roen moq cienzmienh hwnqguh sevei cuji yendaiva guekgya, daengx dangj daengx guek aeu baujmaenh gij rengzmaenh canloz gyagiengz hwnqguh swnghdai vwnzmingz, haenqrengz doidoengh ginghei hwnghat cienzmienh cienjhingz saekheu, dungicouz ceih-

leix uqlah, baujhoh swnghdai, wngqdoiq dienheiq bienqvaq, roengzrengz hwnqguh aen Cungguk gyaundeidei vunz caeuq swhyienz huzndei caemhyouq, vih caez hwnq aen seiqgyaiq gyaundeidei seuqcingh lai ok rengz dem! Maqmuengh daengx biengz guh hwnjdaeuq, guh boux cienzboq gaenxmaenx caeuq boux hengzguh yienghndei leixniemh swnghdai vwnzmingz, roengzrengz hengzguh, caen ca caen guh, louz aen gyaranz gyaundeidei mbwn lamz, dieg heu, raemx saw hawj daih lwg daih lan.

Cunghung Cunghyangh Cwng-

cigiz cangzvej, Gozvuyen fujcungjlij Hanz Cwng youq hozdung hainduj doeg fung saenq cukhoh Siz Ginbingz caemhcai gangvah dem. De naeuz, Siz Ginbingz cungjsuhgi cienmonz fak saenq daeuq cukhoh, neix dwg naeuz Dangjuncunghyangh yawjnaek hozdung cawjciengz guekgya ngoenz vanzging roek haj dangqmaz. Digiuz dwg aen gyaranz dandog vunz ndaej senglix, hwnqguh aen seiqgyaiq gyaundeidei seuqcingh vunz caeuq swhyienz huzndei caemhyouq, dwg gij cwzyin caezcaemh vunz daengx biengz. Cibbet Daih Dangj doxdaeuj, Dangj-

cunghyangh aeu Siz Ginbingz dungzei guh vaedsim haenx aeu hwnqguh swnghdai vwnzmingz baijyouq dieg youqgaenj hong daengx buenz, doidoengh swnghdai vanzging baujhoh guek raeuz doenghbaez caengz raen gvaq, ndaej cienjbienq, daengx buenz miz bienqvaq. Roen moq cienzmienh hwnqguh sevei cuji yendaiva guekgya, aeu dingjmaenh yungh gij swhsiengj swnghdai vwnzmingz Siz Ginbingz guh vixyinx, caezcienz, cinjdeng, cienzmienh gvancez leixniemh hwnghat moq, gyavaiq hwnqguh aen Cungguk gyaundeidei.



Yiengjsouh Ngoenzgyaj Ngux Nyied Co'ngux

乐享端午假期

6 nyied 4 hauh dwg ngoenz daihngieh ngoenzgyaj ngux nyied co'ngux, bouxhek daeujaengz Yungzsuij Myauzcuz Swciyen gak dieg lijyouz gingjih, gvaq ngoenzgyaj yawjngonz minzsuz, cimz gijgwn ndei caeuq cawx doxgaiq. Ndawdoz dwg song dah sau bouxhek ndang daenj buhvaq minzcuz cingq cawx doxgaiq.

(Lungz Dauh ingj)

Luz Yenbenj Daiq Doih Daengz Nanzningz Si Cienmonz Diuycenz Cingzgvang Hong Minzcuz Hawsingz

卢献匾率队到南宁市开展城市民族工作情况专题调研

Mboengqneix, Swcigih Yinzda Cangzvejvei fucujyin daiq diuycenzuj daengz Nanzningz Si cienmonz diuycenz cingzgvang hong minzcuz hawsingz.

Diuycenzuj gonqlaeng daengz Nanzningz Si Yinzminz Genjcazyen dangciengz diuycenz gij cingzgvang cauhlaeb minzcuz doxgiet cinbu haeuj gihgvanh si yinzminz genjcazyen, daengz Gyanghnanz Gih Wgyauzsiz Segih dangciengz diuycenz gij cingzgvang gihcwnz ceihleix hongsaeh minzcuz Gyanghnanz Gih Wgyauzsiz Segih, daengz Nanzningz Si Aen Cawjdaez Yingjyen Cukmaenh Gij Eiqsik Caenzcaemh Cunghvaz Minzcuz

dangciengz diuycenz aen yingjyen neix baenzlawz guh senhconz gyauyuz.

Youq Hwngzcouh Si, Luz Yenbenj daengj vunz bae Hwngzcouh Si Minzcuz Cunghyoz, Gvangsijh Cazginhva Mizhanh Gunghsw, Hwngzcouh Si Yauyij Cin Danzcwngh Cunh, doenggvaq dangciengz yawj, dingq bauqlwnh, ciengzsaeg roxyiuj Hwngzcouh Si gvancez doeksaed gij gezcwz baijbouh mizgven guh ndei hong minzcuz hawsingz cunghyangh, swcigih. Doeklaeng, youq Nanzningz Si Yinzda Gihgvanh hai aen hoih naenghdamz cingzgvang hong minzcuz hawsingz.

Luz Yenbenj haengjdingh gij

cingzci Nanzningz Si guh hong minzcuz hawsingz aeundaiej de. De giengzdiuh, aeu hag laeg rox lai gij swhsiengj youqgaenj mizgven gyagiengz caeuq gaijndei hong minzcuz Siz Ginbingz cungjsuhgi, baujmaenh cwngci fuengyiengq cinjdeng; aeu cinjdeng gaemdawz gij cingsaenz Aen Hoih Hong Minzcuz Cunghyangh, Aen Hoih Hong Minzcuz Daengx Gih, gvancez doeksaed ndei gij gezcwz baijbouh Dangjuncunghyangh caeuq Swcigih Dangjvej, baujmaenh hong minzcuz hawsingz moegbiu mingzbeq, yinvu cingcuj; aeu guh ndei gij cozyung daiqdaez guhyiengh Nanzningz Si youq ndaw hong minzcuz hawsingz,

doidoengh hong minzcuz hawsingz daengx gih itloh gvancez diuz sienq-meh cukmaenh gij eiqsik caezcaemh Cunghvaz Minzcuz neix, mboujduenh byaij laeg byaij saeq byaij saed, saedyienh hwnghat youh ndei youh vaiq.

Diuycenzuj lij diuycenz gij cingzgvang hag yungh 《Gvangsijh Bouxcuengh Swcigih Yinzminz Daibyauj Davei Cangzvu Veijyenzei Gij Gietdingh Mizgven Doidoengh Hwnqguh Aen Gih Yienghndei Cukmaenh Gij Eiqsik Caenzcaemh Cunghvaz Minzcuz》dem.

(Veiz Gini)